



Universitätsbibliothek Paderborn

Decisiones Practicæ Casuum Conscientiæ Selectorum In Praxi, Et Foro Interno Quotidie Occurrentium, Omnibusque, Præsertim Ecclesiasticis, Qui Sui, Et Aliorum Curam Gerunt, Perutilium, Resolutorum

Pars Altera Decisionum Practicarum Casuum Conscientiæ Selectorum In
Praxi, Et Foro Interno Quotidie Occurrentium, Omnibusque, Præsertim
Ecclesiasticis, Qui Sui, Et Aliorum Curam Gerunt, Perutilium, Resolutorum

Leonardelli, Bonaventura

Augustæ Vindelicorum ; Græcii, 1739

Q. 1. An juramento, contractibus, & præscriptione debiti indefinite
contracti.

urn:nbn:de:hbz:466:1-41144

C A S U S VI.

De Juramento, contractibus, & præscriptione debiti indefinitè contracti.

MAuritius Minorenis absque Tutoris præscitu sub juramento promittit Tilio centum aureos, si ejus industriâ, & patrocinij Officium aliquod à Magistratu civico obtinuerit. Paulò pòst operâ Mauritiū obtinet optatum Officium, sed promissam pecuniaē summam non persolvit, paratus tradere, si peteretur. Post complures annos Titius coram Mauritio mentionem facit factæ promissionis juratae; Sed Mauritius, prætenso jam factæ præscriptionis jure se nihil amplius debere respondet, & idcirco nec ipsi Mauritio, nec, eo deficiente, ejus hæredibus quidquam persolvit.

QUÆR. I. An juramentum firmer contractus jure positivo nullos, & invalidos, quibus adjicitur?

QUÆR. II. An & quando obligatio juramenti promissorii homini præstiti transseat ad hæredes tam jurantis, seu promittentis, quam Promissorii?

QUÆR. III. An à debitore præscribi possit debitum indefinitè contractum?

39

AD I. Q. Notandum est, questionem hic non esse de illis actibus, paëtis, & contractibus, qui à Jure naturali, aut positivo, vel à Lege Civili prohibentur, & irritantur principaliter ob bonum commune, vel qui turpitudinem continent, qualis v. g. est promissio jurata solvendi usuras, aut

metu vel dolo extorta; sed sermonem duntaxat esse de illis actibus, & contractibus, qui à jure civili immediate irritantur ob privatum subditorum bonum, quales v. g. sunt, quibus Mulier consentit in alienationem fundi, vel alterius rei dotalis; quibus filiafamilias, acceptâ dote, renuntiat hæreditati paternæ; quos Minor super rebus

rebus suis init sine authoritate
Tutoris, & Judicis decreto, &c.
Hoc notato,

40 Celebris est controversia, maximis DD. studiis agitata, an ejusmodi actus, & contractus dicto modo infirmi, & invalidi ita juramentō confirmantur, & validi evadant, ut non solūm nascatur obligatio Religionis erga DEum, quae nascitur ex omni juramento valido, sed etiam inducatur insuper obligatio Justitiae respectu hominis, sive Promissarii, ita ut huic acquiratur jus adversus promittentem, & promittens maneat obligatus ad servandum contractum, quantumvis adjectum juramentum à legitima potestate relaxetur. Ubi

Negativam sententiam, quod ejusmodi actus jure civili invalidi non confirmantur per adjectum juramentum, defendunt Jason in *Auth. sacramenta p̄iborum C. si adversus vendit.* n. 37. Ant. Merenda *controv. l. 1. c. 1.* Pontius *l. 12. de Matr. cap. 7. n. 42. & 47.* Perez *C. de reb. credit. n. 8.* Wiestn. *hīc n. 78.* Et hoc teste ex modernis alii non pauci & magni nominis DD. Ratio, quā nituntur, hæc unica est, quia non potest ostendi, unde juramentum vim habeat confirmandi actus jure nullos, & invalidos; non enim hanc vim habet ex jure naturali, & ex natura sua, quia ex natura sua plus non exigit, quam ut jurans opere exequa-

tur id, quod juramentō interposito promisit, ne DEi nomen asumptum sit in vanum, quæ est obligatio Religionis, & impleri potest, etiamsi contractus maneat in se invalidus, ut patet ex juramento, quod usurariis, aliisque contractibus injuriā extortis adiectum est.

Neque hanc vim habet ex alicuius Juris dispositione; non ex juris civilis dispositione; quia in Jure civili nullus est textus, qui hanc vim juramento tribuat; immo contrarium potius eruitur ex *l. non dubium 5, in fin. C. de Legib.* Ubi imperator prohibet apponere juramentum contractibus Lege reprobatis, & appositum irritat, & annulat. Non ex Jure Canonico; quia textus Juris Canonici in contrarium citari soliti vel loquuntur de Contractibus alias validis, vel si de invalidis loquantur, intelligendi sunt de obligatione Religionis; atque adeo manebit homo in possessione suæ libertatis, quamdiu de obligatione Jure naturali, aut positivo introducta non constat, arg. *l. Arrianus 47. ff. de O & A.* Sententia hæc est valde probabilis, opposita tamen affirmativa communis est, ac probabilior, cum qua proin,

R. Contractus Jure civili invalidos ob utilitatem privatam, qui secundum se non sunt inhonesti, nec injustitiam continent ex parte recipientis, aut exigentis, per adjectum

jectum juramentum validum probabilius confirmari, fierique ex invalidis validos. Ita Gloff. in c. 2. de pact. v. servari in 6. Covar. in c. quamvis de pact. p. 2. §. 1. n. 26. Imol. in c. cum contingat 28. b. t. Abb. ibid. n. 8. Lugo D. 22. de Just. Sct. 8. Gutier. de Juram. p. 1. c. 40. n. 3. Sanch. l. 3. c. 12. n. 5. & 11. Azor. p. 1. c. 40. n. 3. Laym. l. 4. tr. 3. c. 8. n. 1. Haunol. de J. & J. tom. 5. tr. 8. n. 135. Pirk. hic, n. 132. Gonz. n. 11. König. n. 35. Schmalzgr. n. 86. & apud hos alii quam plurimi.

Prob. 1. Quia Jura eos contractus, qui invalidati sunt ob utilitatem privatam, & secundum se non sunt inhonesti, dicunt esse omnino servandos, conceduntque actionem in foro externo: ergo per appositum juramentum validantur, quia actio fundatur in jure, quod quis habet adversus alium: atqui si non validarentur, non daretur jus, seu obligatio Justitiae, sed tantum Religionis. Ant. prob. ex variis Juris textibus, & 1. ac præcipue ex cap. cum contingat 28. ubi mulier ex constitutione Imoc. III. jubetur servare juramentum sine vi et dolo sponte præstitum super alienatione rerum dotalium, quamvis consensus in hanc alienationem de Jure civili alias irritus sit, & nullus. Unde & Pontifex Bonifacius VIII. in c. licet 2. b. t. in 6. decernit, Judices seculares, qui mulieres hujusmodi contra prædictas alienationes

audiunt, per locorum Ordinarios censu: à Ecclesiasticâ compellendos ad servandum Jus Canonicum de hoc introductum. Neque hoc Statutum de sola Religionis obligatione intelligi potest; quia vi cit. textus juramentum sine vi, & dolo præstitum aliam insuper, & maiorem parit obligationem, quam si sit vi, vel dolo extortum, hoc ipso quod etiam juramentum, in quo vis aut dolus intervenit, hanc Religionis obligationem inducat, & servandum sit, quoties sine dispenso salutis servari potest; ergo necesse est, ut Pontifex de alia loquatur obligatione, quam de obligatione Religionis, alias frustra adderetur in citt. c. hæc conditio si juramentum sine vi & dolo sponte sit præstitum; alia autem convenientius adstrui nequit, quam obligatio Justitiae orta ex pacto per juramentum firmato. Quod

Conf. ex c. quamvis 2. de pact. in 6. ubi idem Bonifacius constituit, pactum, quo filia renuntiat hæreditati paternæ, quamvis Jure Civili improbetur, si tamen juramento firmatum fuerit, observandum esse, utique non solum ex virtute Religionis; quia à Papa observandum dicitur non solum juramentum, ex quo obligatio Religionis nascitur; sed etiam ipsum pactum, ex quo obligatio Justitiae inducitur, juramento nec vi, nec dolo præstito firmatum esse, & observandum.

F 3

Prob.

Prob. 2. ex Jure Civili, scilicet Auth. sacramenta puberum C. si adversus vendit. ubi Fridericus Imper. Sacramenta puberum sponte facta super contractibus rerum suarum non revertandis inviolabiliter custodiri jubet; non autem essent inviolabiliter custodienda, si contractus Jure invalidus non confirmaretur, sed potius is, cui juramentum præstatur, cogendus necessario esset, ut iuramentum remitteret, quia esset præstitum in contractu nullo, & invalido, de qua tamen obligationis remissione Leges, & Canones nihil memorant, sed contrarium insinuant, ut pater ex dictis.

Prob. 3. ratione; quia si contractus juramento non confirmaretur, posset juramentum relaxari, & si non relaxaretur, et si Jurans teneretur eam obligationem exsolvere, ad hæredes tamen jurantis obligatio contractus sic jurati non transiret, utpote quæ esset obligatio duntaxat Religionis, adeoque merè personalis; contrarium autem tenet receptissima DD. sententia teste Schmalzgr. n. 88. Ergo.

Conf. ex eo, quia ubi jura dicunt, quodjuramenta sint servanda in contractibus non validatis per adjectum juramentum, ut est contractus de solvenda usura, et si dicant juramentum servandum esse ob virtutem Religionis, concedunt tamen repetitionem dati, ajuntque accipientem teneri ad re-

stitutionem; in præfatis vero contractibus, dicunt, eos omnino debere servari, nec locum esse repetitioni, & obligationi restituendi acceptum. ergo videntur jure supponere in his contractibus, tanquam validis pactis, jus alteri acquiri, non item in aliis contractibus manentibus invalidis.

Ex dictis patet responsio ad rationem fundamentalem oppositæ sententiae, videlicet juramentum vim confirmandi contractus invalidos habere à Jure positivo, quod in honorem sacramenti validam reddit promissionem, quæ alias sine juramento nulla esset, ut adeò confirmationis contractus invalidi, cui adjicitur juramentum, sit potius effectus Juris; dicitur tamen ea confirmationis ex juramento provenire; quia posito juramento, Jus ipsum in reverentiam ejusdem, sublata irritatione, hanc promissio firmitatem concedit, quæ proinde cùm sit distincta ab obligatione Religionis per juramentum alias introductæ, juramento relaxato, manet, & ad hæredes transit. Ita Bald. in Auth. cit. n. 4. Suarez tom. 2. de Relig. l. 2. de Juram. c. 28. Sanch. Palao, aliquie supra relati. Ad legem non dubium cit. respondet Perez l. c. eam esse correctam per Auth. sacramenta puberum cit. alii ajunt eam loqui duntaxat de illis contractibus, qui Jure reprobati sunt eò, quod contineant turpitudinem, ex parte accipientis, vel

vel qui cedunt in præjudicium tertii, quos utique juramentum non confirmat, hoc ipso, quod sit de re mala, & illicita; ut ergo juramentum confirmet contractum, requiritur 1. ut ipsum juramentum sit validum, 2. ut contractus confirmandus neque ex parte jurantis, neque ex parte illius, cui juratur, contineat turpitudinem contra jus naturale, vel Divinum, aut bonos mores.

3. ut nec juramentum, nec patrum, aut contractus, cui apponitur, directè, & principaliter cedat in præjudicium boni publici, vel in damnum tertii, ut suprà insinuatum est.

43 Ad 2. Q. 1. memb. an juramentum promissorum homini præstatum transeat ad hæredes jurantis? Ratio dubitandi esse potest, quia si Testator juramento promisit dotem pueræ pauperi, vel certam pecuniam in pauperes erogandam, defuncto Testatore, hæredes obligantur ad dotem dandam, vel talem pecuniam inter pauperes distribuendam: ergo obligatio juramenti non est merè personalis. 2. Si major pars capituli, vel communitatis sub juramento se obstrinxit ad aliquid præstandum, tenetur ad id etiam minor pars Capituli, vel Communitatis: ergo Verum.

Dicendum est cum S. Th. 2. 2. q. 28. ad 4. Abb. in c. veritatis 14. b. 1.

Suarez l. 2. de juram. c. 31. n. 12.
Palao D. 2. p. 11. n. 1. Sanch. l. 3.
Moral. c. 13. n. 1. Haun. Bonac.
Laym. & communis aliorum, juramentum promissorum homini præstatum secundum propriam obligationem Religionis non transire ad hæredes, sed solum jurantem afficere. Ratio est. Quia obligatio juramenti ex propria virtute Religionis, & ex parte jurantis omnino personalis est, solumque jurantem afficit; sicut enim nemo jurat, nisi sua voluntate, ita nec obligatur juramento alterius, nisi in illud consentiat & consentiendo suum faciat. Atque adeò ex vi juramenti neque hæredes jurantis nec Successor obligantur ad præstandum id, quod juramento promissum fuit à Testatore, vel antecessore; quia obligatio propria juramenti cum auctore suo extinguitur. Siquidem juramentum non sit confirmatorium promissionis, sed per se stans: nam si defunctus promissionem homini factam, & acceptatam juramento firmavit; tunc quia duplē obligationem contraxit, Religionis, & Justitiæ, extinctā per mortem ejus obligatione priore, seu Religionis, posterior, quæ est Justitiæ, transit ad hæredes; quia hæres succedit in omne jus defuncti, activè & passivè, l. ex contractibus 49. ff. de O. & A. Quod tamen intelligendum est de promissione valida, seu tali, quæ alteri, in cuius gratiam juratum est, jus contulerit. Unde ad ratio-